

Par la vertu desqueles Lettres, Nous vous mandons que tantost & en l'eure, vous faciez faire les Deniers d'Argent que l'en fait adpresent de <sup>a</sup> sept Sols de pois, vous faciez faire de <sup>b</sup> huit Sols de pois; & aussi les Doubles que l'en fait de <sup>c</sup> quatorze Sols, facies de <sup>d</sup> seize Sols; & avec ce; donnez en tout Argent-le-Roy, 9. Livres 4. Sols Tournois, à ceuls qui feront leur Loy. *Donné en la Chambre des Comptes à Paris, le 6.<sup>e</sup> jour de Fevrier, l'an 340.*

<sup>a</sup> de 84. Pieces au Marc.  
<sup>b</sup> de 96. Pieces au Marc.  
<sup>c</sup> de 168. Pieces au Marc.  
<sup>d</sup> de 192. Pieces au Marc.

(a) Mandement pour augmenter le prix de l'Argent dans la Monnoye de Tournay.

13. jours de Mai 341. de 4. Sols Tournois au Marc d'Argent, en Esterlins & Argent d'Allemagne seulement, donner en la Monnoye de Tournay, & non en autres Monnoies, en oultre & pardeffus les 9. Livres 12. Sols Tournois que l'en y donnoit par avant.

PHILIPPE VI.  
dit de Valois,  
à Athiotes-lez-Corbeul, [ Estiollles près Corbeil ] le 13. de May 1341.

PHILIPPE par la grace de Dieu Rois de France. Aus Maistres de nos Monnoies: Salut. Eu conseil & deliberacion sur le fait de nostre Monnoie de Tournay; qui pour cause de plusieurs Monnoies que font faire & ouvrer aucuns Prelaz & Barons près & environ nostre Ville <sup>e</sup> Tournay, a esté moult grevée & dommagiée, & l'ouvrage d'icelle moult <sup>f</sup> apeticies, & l'Argent & Billon de nostre Royaume porté en icelles, dont nostre dite Monnoie & les autres deussent moult habundamment ouvrer; vous mandons que pour contrestier & obvier à iceuls dommages, & aus Marchans & Changeurs <sup>g</sup> repairans en nostre dite Monnoie de Tournay, tant seulement en tout d'Argent d'Allemagne Esterlins, & en tout Argent & Monnoies queles & de quelques Coings que elles soient faites hors de nos Coings, <sup>h</sup> quatre Sols Tournois au Marc de Paris, à ceuls qui feront leur Loy, avec & en oultre les neuf Livres douze Sols Tournois, que l'en donnoit par avant. *Donné à (b) Athiotes les-<sup>i</sup> Corbeul, le Dimanche 13. jours de May, l'an de grace mil trois cent quarante & un.*

<sup>e</sup> de.  
<sup>f</sup> diminut.

<sup>g</sup> Ce mot qui signifie ordinairement demeurans, signifie ici, frequens.  
<sup>h</sup> Il paroist qu'il manque là ces mots, on donne, ou quelques autres semblables.  
<sup>i</sup> Corbeil.

Par le Roy, en son Conseil. VISTREBET.

26. jours de Juing 342. la Lettre de la Monnoie 60.<sup>me</sup> en donnant <sup>k</sup> 8. vint Livres Tournois au Marc d'Or, & 12. Livres 10. Sols Tournois au Marc d'Argent. (c)

<sup>k</sup> 160. Livres.

NOTES.

(a) Memorial B. bis de la Chambre des Comptes de Paris, folio 111. verso.

(b) M.<sup>r</sup> de Valois dans sa Notice des Gaules, p. 409. col. 2. dit que le lieu nommé en latin

Atheiote, a esté appellé en françois, Athiotes & Estiollles.

(c) Ces Lettres du 26. de Juin 1342. qui se trouvoient ensuite dans le Registre, sont imprimées à la page 178. du 2.<sup>e</sup> Vol. des Ordon. de ce Rec.

(d) Mandement pour augmenter le prix de l'Argent.

23. jours de May, l'an 341. de 8. Sols Tournois de creue au Marc d'Argent, en oultre & pardeffus les 9. Livres 4. Sols Tournois que l'en y donnoit par avant.

PHILIPPE VI.  
dit de Valois,  
à Paris, le 23. de May 1341.

PHILIPPE par la grace de Dieu Rois de France. Aus Maistres de nos Monnoies: Salut. Nous vous mandons que tantost & en l'eure, ces Lettres veues, vous facies donner par toutes nos Monnoies, en tout Argent-le-Roy, à ceuls qui feront leur Loy, de creue au Marc de Paris, huit Sols Tournois, en oultre & pardeffus les neuf Livres 4. Sols Tournois que l'en donnoit par avant; & le faites si briefment & en tele maniere, que par vous l'ouvrage de nos dites Monnoies n'en soit retardé. *Donné à Paris, le 23.<sup>e</sup> jour de May, l'an de grace mil trois cent quarante & un.*

Par le Roy, à la relacion du Conseil qui estoit en la Chambre des Comptes. MATH.

NOTE.

(d) Memorial B. bis de la Chambre des Comtes de Paris, folio 110. recto.